

आकाशवाणी

- प्रधानमंत्री नरेंद्र मोदी होरें गुजरात दे कांडला बंदरगाह क्षेत्र च भारत दे पैहले मेक इन इंडिया हरित हाईड्रोजन संयंत्र गी नेट जीरो उत्सर्जन लक्ष्य गी हासल करने दी दिशा च इक बड़ी उपलब्धि करार दित्ता ऐ।
- फिलीपीन्स दे राष्ट्रपति फर्डिनेंड आर. मार्कोस जूनियर अजै थमां 5एं दिनें दे भारत दौरे पर आवा करदे ना।
- पैहला बिम्स्टेक पारम्परिक संगीत समारोह अज्ज नमी दिल्ली दे भारत च आयोजित कीता जाग।
- अमरनाथें दी जात्तरा बालटाल ते पहलगाम दौनें दस्तेआं स्थगित करी दित्ती गेई ऐ, उआं जात्तरा दी छड़ी मबारक श्रीनगर दे दशनामी अखाड़ा मंदिर थमां मट्टन स्थित प्राचीन सूर्य मंदर पुज्जोग।
- भारती रिजर्व बैंक दी मौद्रिक नीति समिति दी त्रै रोजा बैठक अज्ज मुम्बई च शुरू होग।
- ओवल च खेड्डेआ जा'रदा एंडरसन तेंदुलकर ट्रॉफी दा 5मां ते खीरी टेस्ट मैच बडे गै दिलचस्प दौर च पुज्जी गेआ ऐ।

<><><><><><>

PM-Green Hydrogen Plant

प्रधानमंत्री नरेंद्र मोदी होरें गुजरात दे कांडला च बंदरगाह खेत्तर च भारत दे पैहले मेक इन इंडिया हरित हाईड्रोजन संयंत्र दे चालू होने दी स्थिरता दी दिशा च इक ऐतिहासिक गैऽ करार दित्ता ऐ।

दीनदयाल बंदरगाह प्राधिकरण दी एह परियोजना देश दे नेट जीरो उत्सर्जन लक्ष्य गी हासल करने दी दिशा च इक बड़ी उपलब्धि ऐ। इक सोशल मीडिया पोस्ट च श्री मोदी होरें आखेआ जे एह इक सराहनेजोग कोशिश ऐ ते स्टाडे नेट जीरो दृष्टिकोण गी बल प्रदान करदा ऐ। प्रधानमंत्री मोदी हुंदी मई 2025 च भुज दी जात्तरा दरान 10 मेगावाट दे हरित हाईड्रोजन संयंत्र दा नीह पत्थर रखने दे ठीक चार महीने परेंत एह शुरू होई गेआ। एहदे कन्नै गै कांडला स्वदेशी हरित हाईड्रोजन सुविधा आहला पैहला भारती बंदरगाह बनी गेआ ऐ जेड़ा नमीं उर्जा ते टिकाउ बुनियादी ढांचे च गुजरात दी बददी भूमिका गी दर्शादा ऐ।

<><><><><><>

Philippines-Prez

फिलीपीन्स दे राष्ट्रपति आर. मार्कोस जूनियर अज्ज 5एं दिनें दी सरकारी जात्तरा पर नमीं दिल्ली पुजा करदे न। उन्दे कन्नै उंदी घरै आहली लुई अरनेटा मार्कोस ते इक उच्ची सतह दा प्रतिनिधिमंडल बी आवा करदा ऐ जेदे च केई कैबिनेट मंत्री, वरिष्ठ अधिकारी ते बपार प्रतिनिधि शामिल होंगन। राष्ट्रपति दा ओहदा साम्भने दे बाद मार्कोस हुंदी एह पैहली भात जात्तरा होग। प्रधानमंत्री नरेंद्र मेदी होर कल राष्ट्रपति मार्कोस हुंदे कन्नै दपक्खी गल्लबात करंगन। फिलीपीन्स दे राष्ट्रपति हुंदा राष्ट्रपति द्रोपदी मुर्मू हुंदे नै बी मलाटी करने दा कार्यक्रम ऐ।

<><><><><><>

BIMSTEC-Festival

पैहला बिमस्टेक पारम्परिक संगीत समारोह अज्ज नमी दिल्ली दे भारत मंडपम च आयोजित कीता जा'रदा ऐ जेदा रस्मी तौरा पर उद्घाटन विदेश मंत्री डॉ. एस जयशंकर होर करंगन।

भारत, बांग्लादेश, भूटान, म्यांमार, नेपाल, श्रीलंका ते थाईलैंड दे कलाकार इस संगीत संध्या च अपनियां प्रस्तुतियां पेश करंगन। दुनिया दे बक्ख-बक्ख मुखें कन्नै सांस्कृतिक सरबंधें, सरबंधी भारती परिषद आई.सी.सी.आर आसेआ आयोजित इस कार्यक्रम गी नां दित्ता गेदा ऐ सप्तसुर-सेवेन नेशन्स वन मेलोडी-मतलब “सत्त मुख-इक राग”।

<><><><><><>

EC-RJD

चुनांऽ आयोग नै दऊं मतदाता पंछान पत्र रखने सरबंधी विवाद च फंसे दे आर.जे.डी दे नेता तेजस्वी यादव होरें गी जांच लेई ब्यौरा पेश करने लेई आखेआ ऐ। बिहार दे दीघा विधानसभा क्षेत्र दे निर्वाचन पंजीकरण अफसरप ई.आर.ओ नै आखेआ ऐ जे यादव होरें अतरूं इक संवाददाता सम्मेलन च जेहड़ा मतदाता पंछान पत्र दस्सेआ हा, ओहू निर्वाचन आयोग आसेआ जारी नेही कीता गेदा ऐ ते तेजस्वी यादव दा नां दीघा विधानसभा क्षेत्र दी मतदाता सूची च दर्ज ऐ। यादव होरें अपना मतदाता फोटो पंछान पत्र कार्ड दा नंबर दसदे होई दोष लाया हा जे उंदा नां ड्राफ्ट मतदाता सूची थमां हटाई दित्ता गेदा ऐ। अजें कि पटना दे जिला चुनां अधिकारी डॉ. त्यागराजन होरें इस दावे गी झूठा, गलत ते बेबुनियाद करार दिंदे होई इसी खारज करी दित्ता ऐ।

<><><><><><>

Amarnath Yatra Suspended

हाल च गै होई दी भारी बरखा दे चलदे बालटाल ते पहलगाम आहले रस्ते पर रख-रखाव दी लोड़ दे कारण श्री अमरनराथ जी दी जात्तरा दवें रस्ते पर रोकी दिती गेई ऐ।

कश्मीर दे डिविजनल कमिशनर विजय कुमार विधूड़ी होरें दस्सेआ जे हाल च होई दी भारी बरखा दे कारण बालटाल ते पहलगाम दवें रस्ते पर जरूरी मरम्मत ते रख-रखाव दा महत्वपूर्ण कम्म लाजमी ऐ। उनें आखेआ जे एहू दिक्खेआ गेआ ऐ जे रस्ते पर कर्मियें ते मशीनें दी जारी तैनाती दे चलदे अस्स जात्तरा परतियै शुरू नेई करी सकगे। इस करियै जात्तरा गी अज्ज यानि 3 अगस्त कोला दवें रस्ते थमां रोकी दित्ता जाह्ग। इस बरै 4 लक्ख 10 ज्हार कोला मते तीर्थ जात्रियें श्री अमरनाथ जी दी पवित्त गुफा च मत्था टेकेआ ऐ।

<><><><><><>

Add-Amarnath

तोआई अमरनाथे दी पवित्तर छड़ी मुबारक अज्ज बडुलै 11 बजे श्रीनगर दे दशनामी अखाड़ा मंदर थमां चलियै अनंतनाग दे मट्टन स्थित प्राचीन सूर्य मंदर पुज्जोग जित्थै रस्मी पूजन दे बाद उसी पैहलगाम लेई रवाना कीता जाग। छड़ी मुबारक 9 अगस्त रक्खड़ पुण्णिया आहले रोज पवित्तर गुफा च पुज्जोग जेदे कन्नै गै इस बरै दी श्री अमरनाथ जी दी जात्तरा सम्पन्न होई जाग।

<><><><><><>

RBI-MC

भारती रिजर्व बैंक दी मौद्रिक नीति समिति दी त्रै रोजा बैठक अज्जै थमां मुम्बई च शुरू होग। रिजर्व बैंक दे गवर्नर संजय मल्होत्रा हुंदी अध्यक्षता च होने आहली इस बैठक च रेपो रेट च कटौती पर चर्चा कीती जाग। समिति दे फैसले दी घोषणा बुधवार गी कीती जाग। भारती स्टेट बैंक दी इक रिपोर्ट मूजब रिजर्व बैंक अपनी मौद्रिक नीति दी समीक्षा च दिवाली शा पैहले दोआर बदाने गी ते रेपो रेट च 25 आधार अंके दी कटौती दी घोषणा करी सकदा ऐ।

रिपोर्ट च आखेआ गेआ ऐ जे अग्रिम रूप च रेपो रेट च कटौती कन्नै दोआर च बाहो गी प्रोत्साहन थहोग।

<><><><><><>

India's Smartphone Exports

भारत दा स्मार्टफोन निर्यात माली ब'रै 2025-26 दी पैहली तिमाही च रिकार्ड उंचाई पर पुज्जी गेआ ऐ। एहू पिछले ब'रै दी इससै अवधि दी तुलना च 58 फीसदी बढिए 7 अरब 72 करोड़ डॉलर होई गेआ ऐ। रिपोर्टें मूजब इस बादे च सब्भनें शा मता योगदान एप्पल दा रेआ जिन्नै अपने अनुबंधित निर्माताएं दे माध्यम कन्नै 6 अरब डालर मूल्ल दे आईफोन निर्यात कीते।

<><><><><><>

Cricket

क्रिकेट च, भारत ते इंग्लैंड बश्कारी जारी 5 टेस्ट मैचें आहली एंडरसन-तेंदुलकर प्रतियोगिता दा 5मां ते अखीरला टेस्ट मैच, बड़े रोमांचक मोड़ पर आई पुज्जा ऐ। अज्ज इस मैच दे आखरी ध्याड़े मेजबान इंग्लैंड गी जित्त लेई छड़े 35 होर रन्ज चाईदे न जदके भारत गी जित्त लेई छड़ी 4 विकेटां होर हासल करनियां होडन। एहदे शा पैहले कल चौथे ध्याड़े दा खेड्ड मुक्कने तोहडी इंग्लैंड नै अपनी दुई पारी च 6 विकेटें दे नुक्सान पर 339 रन्ज बनाई लैते। इस श्रृंखला च फिलहाल इंग्लैंड 2-1 कन्नै अगगे ऐ ते जेगर भारत एहू मैच जित्ती लैंदा ऐ तां एहू श्रृंखला 2-2 कन्नै बरोबर होई जाहगा।

<><><><><><>

Athletics

भारती एथलीट ते पूर्व एशियाई चैंपियन अब्दुल्ला अबूबकर नै कल रातीं कजाकिस्तान दे अल्माटी च कोसानोव मेमोरियल एथलेटिक्स मीट-2025 च पुरुषे दा ट्रिपल जंप खताब जित्तेआ ते अपने नेड़में प्रतियोगियें गी छड़ा इक सेंटीमीटर कन्नै पछाड़ी दित्ता। 29एं बरें दे केरल दे इस खडारी नै कोरिया गणराज्य दे यू ग्यूमिन ते किम जांग वू कोला थोड़ा अग्रे 16 अशारिया सिफर 8 मीटर दी सर्वश्रेष्ठ छाल लाइयै जित्त हासल कीती।

<><><><><><>